

Նորին ԱԵՏ Օծու թիւնն, Չերդ մեծապատիւ եղ-
բայրութիւնն, աղգասէրք և պաշտպանք եկեղեց-
ւոյ սաստիկս ցաւին և խոր ի սիրտ խոցին, զոր-
բայի վիճակ կորստեան Ազգին կարգալով յայն
կեղծուպատիր յօգուած անգգուշ Ալեքի, ո՛չ սա-
կաւ և մեր ընդ աստի ազգայնոց ցաւիմք ընդ այն
յիմարութիւն, որոյ գրին աստ ի Դաւրէժ խոս-
տովան լինի, թէ չէ այն իմ յօգուած,

որում սատար է լրտերա-
միտ ոմն Ս. զամաստցի անսկիւ թշնամի հոգեորա-
կանութեան Ազգիս Հայոց, Այս անմիտ ի Տիփի-
սայ գրեաց քանի ամսով առաջ զնամակ ինչ առ
Գեր. Առաջնորդ տեղոյս միջնորդ լինել բարձրա-
գոյն Դրան Պարսից՝ ծախիւք Պետութեանն առա-
քել զերկտին եղբարս իւր ի Գիմնադիպն Յըփ-
խեաց, զոր զժուարին և անսովոր նոր ինչ հա-
մարեալ սորա, զանց զնովաւ արար, յոր սակս
կիրք նախանձու վառեալ ի հնոց որախնորա, ա-
րատաւորել զԱռաջնորդն խորհեցաւ, անմտաբար
դատելով, թէ այս արատ՝ Առաջնորդին միայն
վերաբերի և ոչ լրութեան ազգիս:

Իսկ ի Մարաղայ յիրաւի որջանալ կամեցան
քանի ինչ գայլք մարդակերպ և սկսան խախ-
տել զոմանս ի մտաց՝ յինքեանս զնոսս ձգելով,
ձրիարար ուսուցանելով, և զգրամս բաշխելով,
զորմէ շուտափոյթ տեղեկացեալ մեր՝ հո-
գացաք զարժանն, և արդէն փախստեայ զնա-
ցեալ չորից անձանց խախտելոց ի մտաց՝ ան-
կան յորջս իւրեանց՝ յորմի առ Ամերիկացի
քարոզիս, որք ի բազում ամաց հեռէ որսա-
ցեալ զբազմութիւ անտէրունջ Ասորիս՝ բունեն
անգանօր. այլ որպէս լսեմք՝ հնարիւք իմն և զազտ-
նի միջամտութեամբ պաշտպանացն իւրեանց
ունին վերադառնալ. յոր եթէ յաջողեցին՝ ան-
շուշտ և ես գնացից անձամբ խօսել ընդ ժողո-
վրդեանն և զարժան տնօրինել:

Ապաքէն վախճան տալով պատասխանեայ ա-
ռաջին երեսի նամակիդ՝ յերկրորդ փութալ հար-
կադրիմ:

Որպէս նկատեմ, ո՛ր պատուական Եղբայր իմ,
ի ցուցակէ գեղջ Արարգաղու, ոչ զիւղօրայք 33,
այլ 27 գտանեմ, յորոց չորք միայն համեմատա-
բար են մեծ, յորոց առաջինն բաղկանայ ի 70

տանց, երկրորդն՝ երրորդն՝ իւրաքանչիւրն 335
տանց, և չորրորդն 330 տանց, իսկ բազումք ի
մնացորդացն իւրաքանչիւրն 19 տանց, և այլքն
ի 10—11, 13, 14, և 15 տանց, և մին միայն ի
գեղջն բաղկանայ ի 24 տանց, Որք քստ մեծի մասին,
անաշտութեամբ ասեմ, և ոչ ստիմ, են աղքատ
երկրագործք, որք ի բանիլ գարնան կանեն ի գոր-
ծքս մշակութեան և երկրագործութեան իւրեանց,
մինչ գրէթէ ի ձմեռնամուտն, յորում մանկունք
նոցին ժողովեալք՝ ուսանին առ ոսոս քահանա-
յից իւրեանց, իսկ առաջին երկօրին մեծ գիւղքն
ունին զմանկավարժ, իսկ զայլոց ևս հետզհետէ
հոգացուք բերելով զմանկունս նոցա յաւսումն
յազգային վարժարանին Դաւրիժոյ:

Աւերորդ համարիմ՝ մանրամասնաբար քննա-
դատել զբպարտութիւնս կեղծուպատիր յօգուա-
ծոյն, քանզի ինքնին բացայայտ ծաղր և նուշա-
ւակ լինի ժողովրդոցս:

ՅԶ ՍԵՊՏ. 1872 — Ժ

Ի Ղաւբէ՛:

ԵՐԿՐԱՇԽԹ Ի ԳԱՆՁԱԿ

Մեր Արժանապատիւ թղթակից կհաղորդէ ի
Գանձակէ, որ ամսոյս 2ին անդ երկրաշարժ պա-
տահել է, այնպէս որ ժողովուրդն դուրսէ փախած
տեղւոյն Ս. Յովհաննէս եկեղեցիէն:

Դռհու թիւն Աստուծոյ՝ ոչինչ վնաս չէ պա-
տահած:

ՀԱՄԱՌՈՑ ՏԵՍՈՒԹԻՒՆ ԵՐԻՄՈՒ ԵՒ ՊԵՍՍԱՐԱՊՈՅ ԲԱՆԻ
ՄԻ ՀՈԳԵՆՈՐ ԵԹԱԿԱՆ ԳՊՈՑԱՅ ԵՐԿԱՅ ԴՐՈՒԹԵԱՆԷ:

(Շաբաթնաւոր-Էփէն):

Բ. ԴԱՐՈՅ ԹԷՄԵՆԷՅ:

Թէոդոսիոյ ժողովրդական զպրօքը քանի մի
տարի է միայն որ սկսած է բարեկարգութեան
տակ ի յնալ շնորհիւ ուսումնասիրութեան Ալ-

Թունճեան եղբարց, և զխաւորապէս այն ազգա-
տոհմին մէկ անձին, այն է բարեպաշտ Յովսէփ
աղայի Ալթունճեանց անձնանուէր հոգատարու-
թեամբը, Տեղւոյն Ս. Սարգիս կիսակործան եկե-
ղեցւոյ շրջապատը կանգնած են նոյն աղաները
արականաց և իգականաց դպրոցին երկայնանիստ
շինութիւնը, որոց մէկ մասին մէջ միայն կղեւե-
ղին երկսեռ դպրոցները. իսկ միւս մասը ցորեանի
շտեմարաններ լինելով՝ տրուած են վարձու և
դպրոցաց ուսումնական ու տնտեսական կառա-
վարութեան արդեանց մէկ մասը կ'ձեռնարկեն. Յի-
շեալ եկեղեցւոյ պատկանեալ կրպակներն և ար-
դիւնքն ալ, որ է 700 ռուբլի ի տարին յատ-
կացուցած է դպրոցին. բայց ախոհ՝ որ դպրոցը
այդ դրամին փոխարէն օգնութիւն մի չընեն տեղ-
ւոյն Ս. Հրեշտակապետաց եկեղեցւոյ պայծառու-
թեանը. վասն զի տեղւոյն քահանայն շատ ան-
գամ տիրացու ու երգիչ չեղածին պատճառաւ՝
կստիպուի առանց ժամասացութիւն ընելու ելնել
եկեղեցիէն, որ շատ ցաւալի բան է և միանգա-
մայն ընդդէմ խղճի և արդարութեան անխոհմ
գործողութիւն. Իմ վրայ վարմանալի ազդեցու-
թիւն բրաւ Թէոդոսիոյ եկեղեցւոյն մէջ հետեւեալ
գայթակղեցուցիչ տեսարանը.

Կիրակէ օր մի բաւական ժողովուրդ ներկայ
էր Ս. Պատարագին. նոյն օրը չգիտեմ թէ ինչ-
պէս պատահեալ որ ուրարակիր դպիր մը երե-
ցաւ եկեղեցւոյ մէջ. Սա դպրութիւնն ու սպա-
սաւորութիւնը միանգամայն կ'ընէր զանազան
խառնիխուռն ելեւէջներ ընելով բաղաձայն ներ-
դաշնակութեամբ, երկու կողմն ալ երկու մանկա-
հասակ երգիչներ կանգնած էին անշարժ ու ակն-
կառոյց, և բերանաբաց կնայէին տիրացուն զար-
մանալի աշխուժութեանը վերայ, որ կտքնէր եր-
կու պաշտօն ի միասին վարել քաջութեամբ. Նա
իւր քաջութեանը վերայ վստահ կերեւնար և յա-
ջողութեանը բոլորովին ապահով, վասն զի մերթ
ընդ մերթ գոհ զէմբով կ'առնար ժողովրդեան
կնայէր, և կարծես թէ բրած հիանալի ներգոր-
ծութեանը վերայ կ'ըրանչանայր . . . Այս տե-
սարանը միտքս ձգեց Թէոդոսիոյ եկեղեցւոյն քա-
նի մի տարի առաջ ունեցած պայծառութիւնը,
բարեզարդութիւնն ու հանդիսաւոր Ս. Պատա-

րագը, և անակնկալ արտասուք աչքերս ցօղե-
ցին.

Յետոյ իմացայ որ այդ տիրացուն Թէոդոսիոյ
դպրոցին մէջ վերակացու է աշակերտաց և միան-
գամայն երգեցողութեան վարժապետ Իսկ եկե-
ղեցի միշտ չգայուն պատճառը այն է՝ որ եկեղե-
ցիէն հաստատուն ուժիկ չունի. բայց մեռելին,
հարսանաց ուրախութեան, Զատիկին, Ծննդեան
տնօրհնէքի, մկրտութեան՝ անհրաժեշտ պարտք
կ'համարի իրեն քահանային հետ անպատճառ եր-
թալ առանց առիթ մը կորսնցնելու. Այն բաւա-
կան է, հաւաստի իմացայ որ քահանայութեան
կատարաստութիւն Աստուած բարի յաջողութիւն
տայ, եթէ ասկէց վերջը այնպիսի արդիւնաւոր եր-
գեցողութեան վարժապետներ ձեռնադրեն, վասն
զի Վեհ. Աթոռիկոսին վերոյիշեալ պատկառելի
Առնակին զօրութեամբ բաւական զօնարին կե-
րեի քահանայութեան հասնիլը այդպիսի ուրա-
րակիրներուն.

Թէոդոսիոյ դպրոցն ալ երկու վարժապետ ունի
մէկը Հայկաբանութեան երկսեռ դպրոցաց մէջ,
իսկ միւսը Ռուսաց լեզուի Հայկաբանութեան
վարժապետը մեր Հայ—հռոմէական եղբայրնե-
րէն է և Վենետիկի վանքին մէջ աւարտած լի-
նելով իւր ուսման ընթացքը՝ Թէոդոսիոյ դպրո-
ցին համար կարող էր կատարեալ գիւտ մի հա-
մարուիլ ու պսակ պարծանաց, եթէ դասատուու-
թիւնն ալ գիտութեանը կէսին չափ քառորդին
չափ լինէր. Հայոց լեզուի դասատուն միայն Հա-
յերէն գիտցածին համար զժբաղդաբար կամ թէ
նոր դասատուութեան եղանակաց ամեննին տե-
ղեկութիւն չունեցածին համար, ընթերցանութե-
նէ անդին չքայլեր աշակերտաց դասատուութիւն
ընելու ժամանակ, առարկաները բոլորովին աւելորդ
կ'համարի չգիտեմ թէ ինչ բանի վերայ հիմնելով,
զուցէ ուժիկ սակաւութեան, թէ և շատ բաւա-
կան է նորա ուժիկը՝ որ է 400 ռուբլի ի տարին.
Իսկ ցուցած արդիւնքը կէսէն պակաս. Իսկ Ռու-
սաց լեզուի ուսուցիչը, որ Խալիպեան ուսումնա-
րանի մէջ աւարտած է իւր ուսման ընթացքը
300 ռուբլիով ի տարին, իւր դասատուութեան
եղանակը բոլորովին յարմարեցուցած է աշակեր-
տաց հասակին ու հասկացողութեանը, և յոյս կայ

որ տարւոյն վերջը, եթէ բնութիւնը լինի անկողմնասէր ոգով՝ այս ուսուցչաց ծառայութիւնը ըստ արժանւոյն գնահատուի: Թէոդոսիոյ դպրոցին ամենէն աւելի աչքի զարնող պահասութիւնը ուսանելի առարկայից ցուցակին չեղածն է. նա մանաւանդ յայտնի է թէ աշակերտը մինչեւ իւրեանց ուսումը աւարտելը, ինչ պիտի սովորին. կուղեմ ասել թէ դպրոցը Փրոկրամմա (ցուցակ) չունի. և ի հարկէ այս բանը Հայերէն դաստառու պարտքն էր կազմել, վասն զի միանգամայն դպրոցին Տեսուչը կհամարուի: Առանց ցուցակի դպրոց մի երբէք կարող չէ որ և իցէ նպատակ ունենալ, և ունեցած նպատակն ալ անհաստատ է և թիւր:

Դպրոցը ունի նաև գեղադրութեան վարժապետ որ ամիսը 10 մանէթ կընդունի. երկնցօրութեան վարժապետը 150 մանէթ տարին կընդունի և է վերոյիշեալ տիրացուն: Ըստ իմ կարծեաց աւելի լաւ կլինէր եթէ Թէոդոսիոյ դպրոցի գլխաւոր հոգաբարձուն ազգասէր Յովսէփ աղայն Ալթընճեանց այս երկու ուսուցիչները միացնելով՝ առարկաներ սորվեցնող ուսուցիչ մը վարձէր. վասն զի երթեակ աշակերտաց համար վերակացու աւելորդ է, իսկ գեղադրութիւնը Հայերէն լեզուի դասատուն կարող է սորվեցնել, նա մանաւանդ որ բաց յընթերցանութենէ ուրիշ բան չաւանդեր աշակերտաց այժմեան ուսուցիչը:

Օրիորդաց դպրոցը ունի նաև վարժուհի, որոյ ուսնին է 10 ուսնի յամենան: Ես բաղդաւորութիւն չունեցայ այն անձին գիտութեան չափը իմանալու, միայն այսքանս հարկաւոր կհամարեմ ասել, որ եթէ յիշաւի այն անձը բաւական ուսումնական է և աշխատասէր, այդ վարձը խիստ քիչ է. իսկ եթէ սովորական է-իսկ համար նշանակուած է, այդ փողն ալ տալը լոճորովին աւելորդ է:

Որպէս և իցէ, որովհետեւ Թէոդոսիոյ դպրոցին բարեկարգութիւնը նոր սկսուած է՝ տեսնուած քանի մի յիշատակեալ թերութիւնները ներելի, և ողորդութիւնը ժամանակի կարօտ համարելով՝ պատուարժան Ալթընճեան եղբարքը և մահտեսի Աարդերես աղայն 2էմպէրճեանց, որ ձեռնտու եղած են նիւթականապէս դպրոցաց գեղեցկայար-

մար շինութեանը, արժանի են համազգեաց լիաբերան շնորհակալութեանը իրենց առատաձեռնութեանը համար, բայց մի և նոյն ժամանակ ազդր կարող է խնդրել նոցանէ, որ ի փոխարնէ 700 բուրջեաց արծ. զոր նոքա կընդունին Ս. Սարգիս եկեղեցւոյ կրպակաց արդիւնքէն, անհոգ չլինին աշխատասէր վարժապետ մի վարձել երաժշտութեան 300 կամ 400 բուրջիով ի տարին, որպէս զի դպրոցին հոգևոր նշանակութիւնը չկորսուի, և եկեղեցին ալ քաղելիք օգուտը վայելէ դպրոցէն, այս ինքն եկեղեցին ու լեզուն զուգընթաց յառաջադիմութեամբ բարդաւածին, մէկը միւսին օգնելով:

Գ. Դպրոց Հնոյն — Խրիմ.

Թէոդոսիայէն 25 վերստ հեռաւորութեամբ է Հին Խրիմ ասուած քաղաքը, որոյ Հայազգի բնակիչները ունին կայսերաշնորհ իրաւունքներ ու արտօնութիւններ և քաղաքական դատարան (магистратъ): Աւերջին ատեններու մէջ ևս ծագած է ուսումնասիրութեան գեղեցիկ եռանդ, որոյ ապացոյց իրենց դպրոցներու մէջ տեսնուած ըստ բաւականին յառաջադիմութիւնը, թէև այստեղ ալ ինչպէս ուրիշ տեղեր աչքի կզարնէ հոգաբարձուաց հասարակութենէ անկախ լինելու քննք իրենց դպրոցական հաշուետեսութեանը մէջ: Դպրոցը արականաց համար է միայն. իսկ մասնաւոր կերպով օրիորդք դաս կաւանն այստեղ նոյն քաղաքի վարժապետին տունը, և ժամանակաւ գուցէ Հին Խրիմեցիք այս բանի համար ալ պէտք եղած խնամքը ընեն միաբանսիրով ու հաւանութեամբ:

Այս քաղաքէն 3 վերսթ հեռաւորութեամբ անտառի մը մէջ բարձրակամար վանք մի կայ, որոյ նորոգութեանը վերայ բաւական փող դրած է բարեշնորհ Սարգիս Աարդապետ Տ. Գասպարեան, որ այս վանքին մէջ հինգ տարի Աանահայրութեան պաշտօն վարելով՝ իւր լուսաւոր գաղափարներովը կարողացած է ոչ միայն վանական տնտեսական կառավարութիւն բարեփել, հապա նաև ժողովրդեան ուսումնասիրութիւնը արծարծել, որոյ պտուղ պէտք է անշուշտ համար-

րիւ Հին Խրիմու գպրոցին այժմեան բաւական միջիմարական վիճակը:

Յիշեալ վանքը ըստ իմ կարծեաց շատ յարմարութիւններ ունի Վեհ. Կաթողիկոսին ազգայինամ դիտաւորութեանցը համաձայն՝ Վանական գպրոց ունենալու գիշերօթիկ աշակերտներով յեկեղեցականութիւն պատրաստելու համար զանոնք: Օգն ու ջուրը շատ առողջարար է. վանքին արդիւնքն ալ բաւական է 30, 40 աշակերտէն աւելի պահելու և ուսումնական վարժապետներ ունենալու: Այս վանքին վերայ ժամանակաւ Մանուէլ վարդապետ Կիւմիւշխանեցին, որոյ մէկ զրուածքը կարդացինք (Արարատայ), թերթերուն մէջ, բաւական աշխատանք ունեցած է յԱռաջնորդութեան երջանկայիշատակ ներսէս Ե. Ս. Կաթողիկոսին:

(Սնանդարն է յաջորդականութեամբ):

ԲԱՐԵՊ. ՄԱՅԱ ԽԱՆՈՒՄ.

Արաց վերջին Հերակլ արքայի ամուսին բաւականաչափ է Ազն. Հայկազն Մայա (Մարիամ) Խանում երբեմն թագուհին ի 26 ամսոյս եկաւ յուխտ և յերկրպագութիւն Մայր Աթոռոյս և սրբոց Մասանց. և Վեհ. Հայրապետին ևս ներկայանալով՝ ընկալաւ նորին Սրբութեան օրհնութիւնը, և ընդ երեկս վերադարձաւ յերեսան, յորմէ ունի ուղեւորիլ ի Տփլիս:

Նորա հետ եկած էին՝ իւր հարսը՝ այս ինքն՝ իւր որդւոյն Հերակլ Իշխանի Ազն. ամուսին Թամար Տիկին, և հարազատ եղբայրն (Թագուհւոյն) Վսեմ. Ղահրաման Աղամալեանց և այլ պատուաւոր անձինք:

ԳԵՐ. ԳՐԻԳՈՐ ԵՊԻՍԿՈՊՈՍ ԵՒ ԱՐԺ. ՍՈՒՔԻԱՍ ԱՆՐԴԱՊԵՏ.

Աղէքսանդրապոլոյ Վիճակին Առաջնորդական Փոխանորդ Գեր. Գրիգոր Եպիսկոպոս Աղափի-

րեանց՝ ի վաղուց ունեցած անձնական տկարութիւնը չկարողանալով համաձայնեցնել տեղւոյն օրոյն հետ, թախանձագին խնդրանք հրաժարական մատոյցնորին Վեհափառութեան թողուլ Փոխանորդութեան պաշտօնը. և մինչև ի կազդուրումն տկարութեան՝ նոր — Նախիջևանայ Ս. Խաչ Առաջնուց մէջ իրբ և միարան մնալ. ուստի ի տեղի հրաժարելոյն կարգեցաւ Ախայցիոյ Առաջնորդ. — Փոխանորդ Արժ. Սուքիաս Աարդապետ Պարզեանց:

ՀՈԳԱՐԱՐԶՈՒՔ ՆԵՐՍԻՍԵԱՆ ԱԶԳ. — ՀՈԳԵՒՈՐ ԳՊՐԱՅԻՆ.

Տփլիսայ Ս. Ներսիսեան Ազգ. — Հոգևոր զբոսորդի Հոգաբարձուաց երբեամբայ պաշտօնավարութեան ջրջանը լրացած լինելով, ամսոյս 12/ին քուէից առաւելութեամբ ընտրուեցան երկոտասան նոր Հոգաբարձուներ և չորս կանդիտատներ, զորս ըստ առաջարկութեան Արաստանի և Իմէրէթի Թեմակալ Առաջնորդ Գեր. Մակար Ս. Արքեպիսկոպոսի Վեհ. Հայրապետ յատուկ Օրհնութեան Կնդակաւ հաստատեց ի պաշտօն Հոգաբարձութեան, որոց անուանքն են:

Բարեկրօն Ղևոնդ քահանայ Խարաղեանց,

Մուշեղ Տէր Ղևոնդեանց,

Մեծապատիւ Պ. Անտօն Ղօրղանեանց,

Գարրիէլ Մետուկեանց,

Գէորգ Ալիմեանց,

Գրիգոր Արծրունի,

Իգմիրեանց,

Քուչարեանց,

Իսահակ Պապով,

Յովհաննէս Ամիրաղեանց,

Խատիսեանց,

Զիթախեանց:

Իսկ Կանդիտատներն են հետեւեալք.

Մեծապատիւ Պ. Գուստաֆ Բալանթարեանց,

Մարկիանոս Ռոտինեան,

Պետրոս Խանտամեան,

Ռուբէն Զալալեան:

Մեծայայտ եմք, զի նորընտիր Հոգաբարձուք իւր-իւրեան Դպրոցի ուսումնական մասին խորին